



115
Data

28-09-18

REPUBLIKA E KOSOVËS
REPUBLIKA KOSOVA - REPUBLIC OF KOSOVO
GJYKATA THEMELORE FERIZAJ

Numri i lëndës: 2018:013142
Datë: 16.08.2018
Numri i dokumentit: 00104434

P.nr.576/2018

NË EMËR TË POPULLIT

GJYKATA THEMELORE NË FERIZAJ - Departamenti i përgjithshëm divizioni penal, si gjykatë e shkallës së parë penale, gjyqtari individual Adem Shabani me zyrtaren Ligjore Kadishe Shabani, në çështjen penale kundër të akuzuarit [REDACTED], nga Fshati [REDACTED] Komuna Ferizaj, për shkak të veprës penale vjedhja e shërbimeve komunale nga neni 320 par.1 të KPRK-së, sipas aktakuzës së Prokurorisë Themelore në Ferizaj-Departamenti i Përgjithshëm PP/II.nr.720-10/18 të datës 23.04.2018, pas mbajtjes së shqyrtimit fillestar me dt.16.08.2018, në praninë e përfaqësuesit të akuzës prokurorit të shtetit Bahri Hyseni, përfaqësuesi i të dëmtuarës KED-it Distrikti në Ferizaj me autorizim [REDACTED] dhe të akuzuarit, të njëjtën ditë mori dhe publikisht komunikoi këtë:

AKTGJYKIM

I akuzuari [REDACTED] nga Fshati [REDACTED] Komuna Ferizaj, i lindur me datë [REDACTED] nga i ati [REDACTED], e ëma [REDACTED] e vajzërisë [REDACTED] shqiptar, shtetas i Republikës së Kosovës, ka të kryer shkollën e mesme, i martuar, baba i katër fëmijëve, -i gjendjes së dobët ekonomike, punëtor fizik, mbrohet në liri i pa dënuar deri me tani mbrohet në liri, me numër personal [REDACTED].-

ËSHTË FAJTOR

SEPSE:

- prej datës së pa vërtetuar e deri me datën 20.10.2017, në Fshatin Talinovcë i Jerlive Komuna Ferizaj në Lokalin [REDACTED], gjatë një kontrolli nga ana e punëtorëve të autorizuar të KEDS-it, është hasur duke keqpërdorur energjinë elektrike, në atë mënyrë që përmes një kablloje është kyçur direkt në rrjetin elektrik, duke anashkaluar njehsorin elektrik me numër

3659869 me ç'rast energjia e shpenzuar nuk është regjistruar fare, me të cilin veprim ka dëmtuar KEDS-in në shumë prej 2.728,21 Euro,-

-me të cilën kreu veprën penale vjedhja e shërbimeve komunale nga neni 320 par.1 të KPRK-së.

Gjykata në bazë të dispozitës së lartë përmendur dhe neneve 4, 7, 17, 23, 41, 42, 43, 51, 52, dhe 73 të KPK-së dhe nen. 365 të KPPK-së
e:

**GJYKON
DËNIM ME KUSHT**

Të akuzuarin [REDAKTUAR] i shqipton dënim me gjobë në shumën prej 200 (dyqind) Euro dhe me dënim burgimi në kohëzgjatje prej 4 (katër) muaj dhe në të njëjtën kohë urdhëron që dënimet e shqiptuara me gjobë dhe me burgim të mos ekzekutohet nëse i akuzuari në kohën prej 1 /një/ viti pasi ky aktgjykim të merr formën e prerë nuk do të kryej veprën tjetër penale.

Obligohet i pandehuri që në emër të kërkesës pasurore juridike KEDS-it distrikti në Ferizaj ti paguaj shumën prej 2.728,21 Euro,-

Obligohet i akuzuari që në emër të paushallit gjyqësor të paguaj shumën prej 20 Euro, dhe taksën në shumën prej 30 Euro, konform nenit 39 paragrafi 3 nënparagrafi 3.1 të Ligjit për Kompensimin e Viktimave të krimit, në afat prej 15 ditësh nga dita e plotfuqishmërisë së këtij aktgjykimi.

A r s y e t i m i

Prokuroria Themelore në Ferizaj Departamenti i Përgjithshëm ka paraqitur aktakuzën me numër PP/II.nr.720-10/18 të datës 23.04.2018, me të cilën ka ngarkuar të akuzuarin [REDAKTUAR] nga Fshati [REDAKTUAR] Komuna Ferizaj, për shkak të veprës penale vjedhja e shërbimeve komunale nga neni 320 par.1 të KPRK-së.

Gjykata duke vepruar rreth kësaj çështje penale konform nenit 245 par.1 të KPPRK-së me dt.16.08.2018, ka mbajtur shqyrtimin fillestar në të cilin kanë marrë pjesë prokurori i shtetit dhe i akuzuari.

Në shqyrtimin fillestar gjyqtari ka konstatuar se i akuzuari në afatin ligjor me kohë së bashku me ftesën për shqyrtim, ka pranuar edhe një kopje të aktakuzës.

Në fillim të shqyrtimit fillestar i akuzuari është udhëzuar në kuptim të nenit 246.1 të KPPRK-së pastaj gjyqtari gjykues ka çmuar se të drejtat e të akuzuarit janë respektuar, e më pas prokurori i shtetit ka lexuar aktakuzën ndaj të akuzuarit dhe pasi që gjyqtari është bindur se i njëjti e ka kuptuar në tërësi aktakuzën me të cilën është akuzuar, të njëjtit i ka dhënë mundësi të deklarohet mbi fajësinë apo pafajësinë e tij lidhur me veprën penale për të cilën akuzohet.

I akuzuari [REDAKTUAR] në shqyrtimin fillestar për veprën penale që akuzohet ka deklaruar se e ndien vetën fajtorë dhe e pranon fajësinë si në dispozitiv të aktakuzës dhe në vazhdim ka deklaruar se është e vërtetë se ka qenë i lidhur me një kablo jashtë njehsorit elektrik dhe me rastin e kontrollimit nga punëtorët e KEDS-it, kanë hasur në një kablo me furnizim të energjisë elektrike jashtë njehsorit elektrik, ku edhe e kanë hequr dhe tani çdo gjë është në rregull dhe për dëmin që i ka shkaktuar ka arritur marrëveshje me përfaqësuesin e KEDS-in për pagesë të dëmit të shkaktuar dhe është duke e paguar ku deri me tani ka paguar shumën prej 1000 Euro por për shkak të kushte jo të mira ekonomike ende nuk e ka paguar në tërësi borgjin që i ka kërkon falje publike për veprën që e ka kryer, është hera e parë që ndeshet me ligjin dhe premtun se në ardhmen nuk do të përsëris veprime të tilla, është baba i katër fëmijëve i pa punë i gjendjes së dobët ekonomike i ka propozuar gjykatës që me rastin e shqiptimit të sanksionit penal të marr për bazë theksimet e cekura dhe ti shqiptoj një dënim më të lehtë.

Gjyqtari në kuptim nenit 248 par.1 nën.par.1.1, 1.2, 1.3, 1.4 dhe par.4 të KPPRK-së, është e bindur se i akuzuari e ka kuptuar natyrën dhe pasojat e pranimin të fajësisë, pranimin e ka bërë vullnetarisht duke e mbështetur në provat që përmban aktakuza dhe në materialet e prezantuara nga ana e prokurorit të shtetit.

Pas pranimin të fajësisë nga ana e të akuzuarit gjyqtari në kuptim të nenit 248 par.2 të KPPRK-së ka kërkuar edhe mendimin e prokurorit të shtetit lidhur me pranimin e fajësisë.

Prokurori i shtetit Bahri Hyseni, ka theksuar se pajtohet me pranimin e fajësisë nga ana e të akuzuarit pasi pranimi i fajësisë është bërë konform ligjit dhe pranimi korrespondon edhe me provat materiale që gjenden në shkresat e kësaj lënde penale dhe kërkon nga gjykata që të njëjtin ta pranoj si të tillë.

Përfaqësuesi i të dëmtuarës Distrikti në Ferizaj [REDAKTUAR] ka deklaruar se pajtohet me pranimin e fajësisë nga ana e të akuzuarit dhe i bashkëngjitet ndjekjes penale dhe të akuzuarin ta obligoj që ta paguaj në tërësi dëmin që i ka shkaktuar .

Gjykata në shqyrtimin fillestar ka vërtetuar se i akuzuari pranimin e fajësisë e ka mbështet në provat që gjenden në shkresat e kësaj lënde penale dhe atë: procesverbalin me numër 0724639 i datës 20.10.2017 fatura me numër 4000720 e datës 23.10.2017, kalkulimi i RH i datës 23.10.2017, si dhe fotografitë n që gjenden në shkresat e lëndës.

Vlerësuar nga aspekti juridik gjykata gjeti se në veprimet e të akuzuarit manifestohen të gjitha elementet e veprës penale vjedhja e shërbimeve komunale nga neni 320 par.1 të KPRK-së.

Me rastin e matjes së llojit dhe lartësisë së dënimit gjykata pati parasysh të gjitha rrethanat në kuptim të nenit 73 të KPRK së të cilat ndikojnë në llojin dhe lartësinë e dënimit, si rrethanë lehtësuese për të akuzuarin mori pranimin e fajësisë nga ana e të akuzuarit, pendimin për veprën penale që e ka kryer ka theksuar se më nuk do të përsëris veprime të tilla, i pa punë

i gjendjen jo të mirë ekonomike, baba i gjashtë fëmijëve, të dëmtuarës ka filluar ti paguaj dëmin që i ka shkaktuar ku si dëshmi ka ofruar dëftesën e pagesës se ka paguar 1000 Euro, dhe ka premtuar se në vazhdim ka me paguar në tërësi, por për shkak të gjendjes jo të mirë ekonomike nuk ka mundur që ta paguan deri me tani, tani çdo gjë është në rregull me furnizim me energji elektrike përmes njehsorit elektrik, mbi bazën e këtyre rrethanave gjykata vlerësoi shkallën e përgjegjësisë penale të të akuzuarit dhe rrezikshmërinë konkrete të kësaj vepre penale, dhe në kuptim të të gjitha këtyre theksimeve i shqipton dënimin si në dispozitiv të këtij aktgjykimit duke qenë e bindur se një dënim i tillë është në proporcion dhe raport me peshën e veprës konkrete penale, rrethanave të kryerjes si dhe personalitetin e të akuzuarit dhe me të arrihet qëllimi ndëshkimor në kuptim të preventivës speciale që i akuzuari të mos kryejë vepra penale si dhe në kuptim të preventivës së përgjithshme të parandalimit të kësaj vepre penale në shoqëri konform nenit 41 të KPRK-së.

Gjykata në mbështetje të nenit 463 par.2 të KPPRK-së ka obliguar të akuzuarin që të dëmtuarës KEDS-it Distrikti në Ferizaj, t'a paguaj dëmin që e ka shkaktuar në tërësi.


Vendimi mbi kompensimin e shpenzimeve të procedurës penale dhe paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së dhe nenit 39 parag.1 nënpar. 3.1 të Ligjit për Kompensimin e Viktimave të Krimit Nr.05/L-036.

Nga arsyet e lartë përmendura është vendos si në dispozitiv të këtij aktgjykimi.

GJYKATA THEMELORE NË FERIZAJ
Departamenti i përgjithshëm-divizioni penal,
P.nr.576/18 me datë 16.08.2018

Zyrtare ligjore
Kadishe Shabani

Gjyqtari
Adem Shabani



KËSHILLA JURIDIKE: Kundër këtij aktgjykimi është e lejuar ankesa në afat prej 15 ditësh nga dita e pranimit, Gjykatës së Apelit në Prishtinë, përmes kësaj gjykate.